

1. UVOD

U ratu od 1992. do 1995. godine privreda i infrastruktura Bosne i Hercegovine je bila najvećim dijelom uništena. Od međunarodne zajednice se očekivalo da učestvuje u izgradnji i obnovi stambenih, privrednih i infrastrukturnih objekata.

Proces rekonstrukcije privrede počeo je uz pomoć međunarodnog programa rekonstrukcije. Za teško stanje u Bosni i Hercegovini nakon završetka rata trebalo je organizirati planski usmjerene mjere za obnovu i razvoj. Vlada je imala pripremljenih 450 raznih projekata za pokretanje privrede, oko 1000 raznih prijedloga za obnovu i rekonstrukciju. Bilo je važno da se pokrene proizvodnja u preduzećima gdje su od ratnih razaranja sačuvani kapaciteti, te je orijentacija bila usmjerena na finalnu proizvodnju, slobodno tržište, privatno vlasništvo, donošenje zakonskog okvira i uspostava institucija koje će realizirati politiku obnove i rekonstrukcije.

Bosna i Hercegovina je ovisila od investicija međunarodne zajednice, međunarodnih finansijskih institucija, te od njihove finansijske pomoći. Jedan od glavnih investitora je Evropska banka za obnovu i razvoj. Bosna i Hercegovina je postala punopravna članica Evropske banke za obnovu i razvoj u junu 1996. godine.

1.1 Predmet i problem istraživanja

Predmet rada je uticaj Evropske banke za obnovu i razvoj na obnovu privrede Bosne i Hercegovine. Podražavajući bh tranziciju prema tržišnoj ekonomiji, EBRD fokusira svoje aktivnosti na razvoj privatnog sektora, pomažući mala i srednja lokalna preduzeća kao i privatizaciju, jača finansijski sektor i pomaže stvaranje regulatornih institucija u infrastrukturi.

Problem istraživanja se odnosi da na to da bi Bosna i Hercegovina, odnosno njena privreda nakon rata i dalje bila u velikim problemima bez pomoći međunarodne zajednice i njenih institucija koje uključuju i EBRD. Ekonomija bi i dalje bila preopterećena velikim dugom koji je Bosna i Hercegovina naslijedila raspadom SFRJ te dugom nastalim završetkom rata. Infrastruktura bi i dalje bila neobnovljena, mala i srednja preduzeća nerazvijena.

1.2 Svrha, cilj i značaj istraživanja

Svrha ovog istraživanje je utvrditi u kojem obimu i na koji način su projekti EBDR-a pomogli u obnovi privrede Bosne i Hercegovine, te kakvo bi stanje bilo u bh ekonomiji bez finansijske pomoći Banke. Do septembra 2010. godine Banka je dostigla ukupni obim angažiranih sredstava od 1,197 milijardi eura kroz 81 projekt i mobilizirala ukupne investicije u iznosu od više od 2,746 milijardi eura.

Cilj istraživanja je prikazati koliko je Bosna i Hercegovine te njena ekonomija ovisna o pomoći finansijskih institucija. Bosna i Hercegovina je zemlja u tranziciji koja ja za ostalim zemljama zaostaje 7-8 godina. Bez pomoći Banke stanje u zemlji bi bilo znatno lošije nego što trenutno jeste.